



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Bibliotheca Pontificia

Jacob, Louis

Lvgdvni, 1643

Appendix Ad Centuriam Pseudopontificum.

**urn:nbn:de:hbz:466:1-11153**

Pag. 222. linea 20. *post illud verbum*, Purpurata, nec non in historia Hierosolymitana Fulcherij Carnotensis, quam nouissimè edidit Cl. V. Franciscus Duchesnius tom. 4. historiarum Francorum Scriptorum à pag. 816. vsque ad 889.

Pag. 231. linea 4. *post illud verbum*, Viennensem, & Franciscus Duchesnius tom. 3. historiarum Francorum Scriptorum à pag. 709. vsque ad 714.

## A P P E N D I X

### *Ad Centuriam Pseudopontificum.*

Pag. 236. post lineam 2. adde:

**C**onstantinus Nepefinus, Ducis Nepefini filius, ex laico Pseudopontifex Romæ creatus anno Domini 767. die Dominico 4. Calendas Iulias, postridie Diaconus, & Presbyter à Georgio Prænestino Episcopo factus; Pontifex verò die Dominico sequenti, 3. Nonas Iulij, apud S. Petrum in Vaticano à Georgio Prænestino, Eustratio Albano, & Cionato Portuensi creatus aduersus Stephanum IV. legitimum Pontificem Romanum, scripsit

*Epistolas varias, præsertim duas, ad Pippinum Regem Francorum, & Patricium Romanorum, quæ leguntur apud Franciscum Duchesnum tom. 3. historiarum Francorum Scriptorum à pag. 824. vsque 827.*

Excæcatus est à factiosis quibusdam hominibus post Stephani consecrationem. Sedit annum 1. mensem 1. & dies 9.

De Constantini Epistolis testimonia perhibent Cardinalis Baronius anno 767. num. 7. Centuriatores Magdeburgenses hæretici *centuria 8. cap. 10.*

Ibidem post lineam vltimam.

*Paschalis III. seu IV. antea Guido Cremensis, Pseudopontifex anno Christi 1164. creatus aduersus Alexandrum III. legitimum Pontificem Romanum, scripsit*

*Epistolam, ad Ludouicum VII. cognomento Iuniorem Fran-*  
P p p
corum



corum Regem, quæ habetur tom. 4. historiæ Francorum Scriptorum pag. 729.

Decessit Romæ anno salutis 1164. in Basilica S. Petri, quam magno Friderici Imperatoris præsidio adhuc obtinebat.

Ibidem

*Victor IV.* antea *Octavianus de Monticello*, Romanus, ex Presbytero Cardinali S. Cæcilie anno gratiæ 1159. Non. Septembris, à nouem Cardinalibus Romæ Pseudopontifex electus contra Alexandrum III. scripsit

*Epistolas duas*, ad Ludouicum VII. Francorum Regem, quas Franciscus Duchesnius tom. 4. historiæ Francorum Scriptorum pag. 582. & 583.

Obiit Lucæ in Etruria anno Christi 1164. mense Aprili, sub Alexandro III. Pontifice Optimo Maximo.

Eius Epistolæ memorantur à Paschali Pseudopontifice in *Epistola* ad Ludouicum VII. Francorum Regem.

De rebus gestis Victoris consule omnes Vitarum Pontificiarum Scriptores.

## A P P E N D I X.

### *Ad Librum secundum.*

Pag. 245. post lineam 17. adde

**A**lexander Fichetus, Sabaudus, è Minore Bournando diocesis Gebennensis Societatis Iesu Theologus, edidit Gallicè

*Tropheum sanctæ Sedis*, aduersus libros Marci Vulsoni Consiliarij Gratianopolitani Calvinistæ *de potestate Papa & libertatibus Ecclesiæ Gallicanæ*. Gratianopoli anno 1640. in 4. apud Petrum Verderum Typographum Regium, vt ab Auctore didici.

Viuit Lugduni hoc anno salutis 1643. sub S. D. N. Urbano VIII. Pont. Opt. Max.

Pag. 164. lin. vltima adde. Anno 1611. mense Februarij, ex Petro Doultemant in eius *Elogio*.

Pag. 268.